

『唐大和上東征傳』

(前略)

和上於天寶十二載十月廿九日戌時。從龍興寺出至江頭。乘舫下。時有廿四沙彌。悲泣趁來。白和上言「大和上今向海東。重覲無由。我今者最後請預結緣。」乃於江邊。爲廿四沙彌受戒。訖乘船下。至蘇州黃泗浦。相隨弟子揚州白塔寺僧法進·泉州超功寺僧曇靜·台州開元寺僧思託·揚州興雲寺義靜·衢州靈耀寺法載·寶州開元寺僧法成等一十四人。藤州通善寺尼智首等三人。揚州優婆塞潘仙童·胡國人安如寶·崑崙國人**軍法力**·瞻波國人善聽。都廿四人。所將如來肉舍利三千粒·功德繡普集變一鋪·阿彌陀如來像一鋪·瑠璃旃檀千手像一軀。繡千手像一鋪·救苦(世_イ)觀世音像一鋪·藥師彌陀彌·勒菩薩瑞像各一軀·同障子·大方廣佛花嚴經八十卷·大拂名經十六卷·〔金字大品經一部·金字大集經一部〕南本涅槃經一部四十冊八卷卷·四分律六十或七本卷·法勤師四分疏五本各十卷·光統律師四分疏百廿紙·鏡中記二本·智周師菩薩戒疏五卷·靈溪釋子菩薩戒疏二卷·天台止觀法門〔絃義文句各十卷·四教義十二卷·次第禪門十一卷·行法花懺法一卷·小止觀一卷〕六妙門一卷·明了論一卷·定賓律師飭崇義記九卷·補亡(釋_イ)飭崇記一卷·戒疏二本各一卷·觀音寺亮律師義記二本十卷·終南山宣律師含注戒本一卷及疏〔行事抄五本·羯磨疏等二本〕·懷道(素_イ)律師戒本疏四卷·〔大覺律師批記十四卷·音訓二本·比丘尼傳二本四卷〕·玄奘法師西域記一本十二卷·終南山宣律師關中創戒壇圖經一卷·〔法銑律師尼戒本一卷·及疏二卷〕合卅八(四十_イ)部·及玉環水精手幡四口·〔□□金珠□西國瑠璃瓶盛□〕菩提子三斗·青蓮華廿莖·玳瑁疊子八口·天竺草履二量·王右軍真跡行書一帖·小王真跡三帖·天竺末和等雜書五十帖(水精_イ)〔□□□□〕。手幡以下。皆進內裏。又阿育王塔樣金銅塔一區。廿三日庚寅。大使處分。大和上已下分乘副使已下舟已畢。後大使已下共議曰。「方今廣陵部覺知和上向日本國。將欲搜舟。若被搜得。爲使有殃。又被風漂還著唐界。不免罪惡。」由是衆僧忽下舟留。

(後略)